


Tur musico di nos isla awo den un solo luga



DEN fin di siman tabatin e lansamento oficial di e website www.arubamusician.com. E plataforma digital tin como obhectivo pa bira un herment cu cual facilmente bo por haya e talento musical cu bo ta buscando.

E idea tras di esaki ta bin for di e concedo compositor Ivan Quandus. Como parti di e mundo aki, Quandus conoce bon tur e retonan cu un musica local ta afronta; entre otro, e parti di promociona y mercadea su mes. Como musico y propietario di un estudio di grabacion, hopi persona tabata acerc'e pa haya number di contacto di un ke otro artista Arubiano.



Despues di ta cana pa varios aña cu e idea aki den su cabes, el a uni forza cu Gilner Dirksen, un creador local pagina web y hunto a cuminsa duna forma na e proyecto. Na prome luga a purba di haci e inventario mas completo di musico riba e isla.

Un bes cu tabatin esey, a categorisa nan segun genero y asina a cuminsa hinka e www.arubamusician.com den otro. E meta tabata pa hacie hopi facil pa cualkier persona haya exactamente e tipo di artista cu e ta busca. E lista di genero ta bay for di koor di misa te na solista y tipico.

Durante desaroyo di e website, a yega nan otro seccionnan util manera noticia, profiel, kalender di evento y mas. Tin masha hopi di nos talento cu ya caba ta den e registro aki. Sinembargo, e invitacion ta keda habri cualkier cu no a contact ainda, pero registra libremente.

Quandus ta sumamente contento di finalmente a concreta su vision y di por ta di ayudo pa su coleganan musica. Di mesun forma el a expresa su gradicimento sincero na UNOCA pa kere den e proyecto, pero tambe na Vibration PR y e creador di e pagina, Gilner Dirksen, sin laga afo tur musico pa nan confiansa.

